

死性不改

楊靜雯

角色：

森：又名 **Sam**，壯年男子，與父親於同一公司工作，為父親的下屬，為人好色，但容易心軟。

母：中年婦人，愛面子，貪小便宜，喜打麻將，為森的母親。

父：中年男子，上市公司的人事部副經理，對事業雄心壯志，唯不擇手段，為森的父親。

妻：凡事向錢看的家庭主婦，為森的妻子。

**Julia**：森的情婦，欲名正言順成為森的妻子，唯利是圖，好名牌衣飾。

**Angela**：森的地下情人，與森於同一公司工作，為森父的秘書。

**Joan**：Angela 的好友。

其他：

李：李四妹，**Julia** 同鄉。(第二幕)

陳：陳師奶，森妻的將友。(第三幕)

女職員 A，女職員 B，女職員 C：(第五幕，森辦公室外；第七幕，公司)

ICAC 人員：簡稱 I (第七幕，公司)

瘋子：簡稱瘋 (第七幕，公司)

老黃：簡稱老（第七幕，街景）

一丁麵職員：簡稱一（第七幕，街景）

餅店女職員：簡稱餅（第七幕，街景）

### 序幕：森的家

（此起彼落的麻將聲起，森、父、母、妻四人在打麻將）

母：邊個扣住晒我 d 牌，俾我估到你就知死！

妻：（說笑口吻）奶奶，你要咩咪出聲囉，我地實會‘敬老’架喎！

母：（怒目而視妻，轉眼又帶笑容）唉，反正都叫唔出糊，鬆章過你地喇！六索！

森：（細聲）放長線，釣大魚咋掛……

母：（大聲）咩話？（森不語）（母自言自語）無理由架，我都拆開晒 d 對對糊架啦，打晒 d 索子出去添架，係都食唔出清一式？到底邊個扣住左？（左思右想，不小心打出隻一萬。）

父：一萬！

母：就係爭咁隻一萬囉，原來係你，衰佬！清一式，七番呀！俾錢俾錢！（高興伸手）

父：男人要做大事，唔食埋 d 細糊既，所以先讓你地 d 女人咋！

母：車！理佢清一式定雞糊，食得出既，就係好糊！

妻：（指著牌，得意）唔好意思喎，奶奶，你小相公呀！（眾笑）

母：無事無事，都唔好玩既，我睇報紙呀！（面紅，走到沙發坐下，看報紙）

父：無佢咁好氣！

妻：咁奶奶爭筆錢點先？（眾散，無人理會）喂……（仍無人理會，妻無奈）

母：（若拾到寶物似的）呀！買五包一丁麵就可以抽獎，咁苟？！嘩！頭獎仲係果個咩 T & Co. 既兩卡鑽石介子喎，一卡係就係柔 d，但勝在唔洗錢喎！等我一陣去買返十打八打先……森，一陣落去同我托麵呀！

（說罷，把報紙遞向森，並指著相中的介子，一副渴望擁有的模樣）

森：（冷言冷語）唔係呀，你拎埋我果份啦，十打八打，你咪又係擺係度”牛”蟲，好心你就咪貪埋 d 咁既小便宜啦！真係咁易俾你抽到喇喎！我夠期期買六合彩啦，又唔見我加陣住係半山？媽，我怕你蝕埋隻車都未抽到介子咋，哇氣！

母：（勞氣）衰仔，你識咩丫，肥水不留別人田呀！我買得多，抽到既機會實大 d 格，六合彩咁鬼多人買，乜都分薄晒啦。嗱，呢 d 少 d 人爭，機會都大 d 啦！明未？又點可以拉埋同六合彩講啫！

森：又係咁講，你都唔係第一次架啦，上次你又話買十包金象米，抽獎去泰國，d 米到而加都仲未食晒呀！呢 d 咪就係叫出大用小，蝕晒大本囉！

母：（靈機一觸）吖！係喎，買多幾包米咪可以買夠 500 蚊囉！仲有 10 個百佳印花添，儲夠 250 個就可以免費換個旅行袋！

森：（沒好氣，不想爭拗）不過呀媽你好似好年都唔去一次旅行嫁喎。但係……

唉，是但啦，你鍾意買就買啦，好未？係就快 d 行喇，晏晝我唔得閒架！

母：（理直氣壯）梗係啦，執輸行頭，慘過敗家喎。好彩呀陳、李、張、黃師奶唔睇報紙架啫……千祈唔可以漏左 d 風聲俾佢地知呀，唔係多咁幾個人爭，我隻介子凍過水架喇！我依加入去換衫先，嗱，你咪走左去呀！（母出幕）

（這時候，森的電話響起）

Julia：(甜蜜) Honey，做緊咩呀？有無掛住嗶姐？吓？

森：(怒) 你癲左呀？叫你幾多次唔好係呢個時候打黎呀，你到底有無記住架！

Julia：(委屈) 人地掛住你，想聽下你把聲都唔得咩？你呀，仲巧講，(開始嗚咽) 人地係大陸果陣你又話想我落黎。加下落左黎又唔鐘意我啦？係咪丫？又話上黎我度，又話買鑽石俾我，你無句真架你，而加仲鬧嗶，你好呀你……

森：(心軟) 好喇好喇，係我唔啱係我唔著喇，我一陣上你度喇，唔好咁啦！

Julia：(立即轉回正常聲線) 你係至好講呀你，一陣見啦。(收線)

(母換了衣服，出場)

母：行得未呀？

森：等陣先……頭先份報紙呢？

母：唔知呀，(胡亂指) 係果邊掛。做咩呀？又心郁郁想睇下隻介子呀？都話左正架啦，又唔信呀媽講嗶。

森：(拿著報紙，自言自語) Julia 實鐘意啦，(細聲) 睇怕我都要買返廿零卅打先得喇。

母：吓？你講咩呀？咩廿隻叉話？大聲 d 啦，聽唔到呀。

森：無呀，我話你要買返廿零卅打先夠咋嘛。

母：知就行啦，仲講嗶。

(燈滅)

## 第二幕：Julia 的家中

(Julia 與同鄉李四妹談電話)

李：點呀你！係香港住得慣唔慣？

Julia：咪又係咁。不過又唔洗憂柴憂米咁囉。果時係大陸，日日落田「助」野，攞到對手都粗晒，而加唔洗做，得閒就研究下啲 LB 袋。咦？加下三月，你唔洗落田咩，乜咁得閒打俾「嗶」呀？

李：哦，我啱啱先嫁左人，我夫家有成廿個工人，做咩都唔洗自己落手。我老公不知幾錫我呀，就前幾日啫，佢送左幅枋榔樹字畫過我。你呢？仲係同果個香港人一齊呀？佢「巧」似結左婚架嗶，做二奶唔委屈咩？咁樣啲男人好快變心架！咪咁快同佢生仔添呀，一陣要仔唔要，都唔知點算。

Julia：（被說中要害，極力反駁）咩二奶呀！佢對我不知幾好，好過你老公添呀！佢送幾多錶呀、袋呀俾我。仲話會同佢老婆離婚「草」我架！

（門鈴響起，Julia 上前開門，見森，喜）

Julia：我老公返左黎，唔同你講喇！（收線）

（一來便翹著森的手）你「巧」耐都無上過黎喇，快 d 入黎先啦！（森摔開她的手）

森：（一副大男人的樣子）咪係度痴身痴世啦，叫左你未入到屋都唔好咁丫嘛！（Julia 蹶嘴）

算喇，唔講呢 d，煮左咩好野俾我食？（鼻子向四周嗅）

Julia：乜你老婆無煮野你食咩？（微笑，依偎著森）

森：（擁著 Julia）我屋企隻丫烏婆，邊有你咁溫柔體貼，善解人意丫。

Julia：（鬆開森的手，面向森）咁妮又唔娶左我？噏，聽我講，快 d 同佢離婚，轉踏樓俾我，咁嗶咁第日結埋婚啫，咪可以過下二人世界囉。（森不語，退後一步）

森：但係，時機未成熟，唔可以離婚住……

Julia：時機嗶，等到幾時呀，到時我人老珠黃，你又話我醜樣，借 d 椅唔

「草」我。

森：點會呢，我成日都同你講，我淨係鍾意你一個咋。

Julia：（開始激動）鍾意我？你咪就係得把口講，又話同你老婆無感情，又話想離婚，睇你個款都係講大話呢我架啦……

（Julia 不停數著森的不是，森按捺不住）

森：買左野送俾你。

Julia：（立即收聲，雙眼發光，剎是期待）咩黎架？（森從口袋拿出金介子）

森：雖然唔係鑽石介子，但係我總有一日……

Julia：（插嘴）總有一日！等到幾時呀？我隻 T & Co. 呀，你到底有無我心架？金更撈土……（森聽後欲收回介子，卻被 Julia 一手搶去，並即收下）不過都稍稍地收住先啦。

森：（沒好氣，嘆息）好心你就咪咁沉迷 d 咁既名牌啦，講真丫，萬萬聲隻介子，同羅湖 d AA 貨都無乜分別啫，最多咪買日本 AAA 貨……

Julia：（激動）咩呀！咩「茅」分別呀，都唔知幾唔同呀。知唔知咩叫”名不正，言不順”呀！嗱都唔敢咩個冒牌貨出街啦！好無 face 啫！你都唔會拎出街啦！

森：講隻介子啫，唔洗咁大反應呀？

Julia：（裝作聽不見）仲有呀，你應承左嗱買既 LB 數袋呢，上次嗱地係網上睇到果個呢，仲有 Pucci 化妝袋啦，Dlor 條鏈啦，咪就係果個咩周汶遲戴過果款囉，妮全部都話買俾嗱架，你又唔記得啦！？（連串不停，流暢地數算著）

森：（無奈點頭）嗯……我記得，我記得。

Julia：（突然又變回溫柔）記得就好喇，更晚勞喺度，好無？

（森的電話響個不停）

森：唔得呀！老婆 call 爆機喇，我要返去喇。（Julia 不捨）

（森急腳步出門要走，Julia 捉著他的手）

Julia：喂！你好似有野唔記得做喎！（森匆匆在她額頭上吻了一下）

唔係呢樣呀。

森：做咩呀！趕時間呀！

Julia：家用七千，仲有呀，（在森耳邊細聲說）喎想買多隻鑽撈呀……

森：（匆忙）下次先啦……遲 d 嚟錢俾你，走先喇！（跑出門外）

Julia：（望著介子，滿有信心）我要過啲唔休做既生活！我唔再係以前個鄉下妹！我唔會再耕田！我要既係名正言順！我唔會俾個李四妹睇死，我要做大婆，我要做吳太！

（燈滅）

### 第三幕：森的房间中

妻：（談電話）唉！講你都唔明啦陳師奶！講到治夫之道，我認第二，無人敢認第一！

陳：有咩咁巴閉先？

妻：男人志在權，女人就梗係志在錢啦，要做個好老婆，第一件事要先從聯名戶口做起。幫老公儲錢，有錢大家洗丫嘛，跟住呢，就係要食住個勢，唔好俾 d 男人大晒，喺度作威作福……

（森穿著西裝，開房門，妻正在房內談電話）

妻：（聲音突然變小）呀……呀，我老公返喇，係咁先啦！（立即收線）

森：哎呀！真係劫死人喇，日日 OT，想搵餐安樂茶飯食下都唔得！（脫去領

帶，臥在床上)

妻：你睇你污糟肋踢咁，訓係張床度，張床單新買架！

森：你都唔知男人出去出面做野幾劫呀，(漸大聲)你估好似你地 d 女人咁”他條”係屋企講電話呀！

妻：(潑辣)你估全屋淨係得你一個辛苦呀！我都好辛苦架！我日日同你係度挨，係度慳，為左咩呀！吓！我為左頭家咋，你又唔知自己搵得果雞碎咁多！

森：(怒氣沖沖,激動)我！我都廢事同你講呀！（脫下西裝襖，往浴室洗澡）

(妻露出深深不忿的表情，然後又自怨自艾)

妻：鬼叫我嫁著個咁無出色既老公咩，果時幾多太子爺追我我都唔揀呀……  
哎……

(遂替森掛好西裝，見袋內有七千大元，雙眼發光，目不轉睛，隨即取出)

個衰佬呢排咁富貴呀！呢度有成七千蚊咁多，拎緊兩三千黎同 d 師奶飲下茶，買下朱耳蠅，都無咩所謂姐，況且，老公 d 錢咪啫係我 d 錢！

(沾沾自喜，把其餘四千元放回袋中，未幾，又取出)

(心大心細)丫，定係囉多一千好呢？……都係唔好，慢慢搵好過咁快乾塘，下個禮拜仲要同金、錢、貝師奶游下乾水加嘛。(又把錢放回袋中)

(妻把西裝掛進衣櫃時，發現森的存摺，拿來仔細地看)

(驚訝)嘩！做咩事呀！個戶口無啦啦少左成萬四銀既，(思前想後)最多……最多咪都係計埋頭先果七千，咁仲有七千呢！？去左邊呀？(一頭霧水)

(再仔細返看存摺，惟沒有發現，再想，感懷疑)無理由丫，個衰佬最多咪拎三四百去賭下馬仔，玩下六合彩咁啫，咁都仲有成六千六百無左喎……(進而反覆思良)計埋搭車，由呢度坐 van 仔去佢公司都係四個八啫，來回咪又係果九個六，無理由格，無理由嫁喎！（吞吞吐吐）就算……就算我上個月打左三千蚊斧頭，咁都仲有淨格。仲有 d 錢去左邊度？(十分懷疑)唔通……



唔通佢……（妻聽到開門聲，收起存摺，裝作若無其事）

森：（粗魯）過黎幫我”鏈”兩野丫，返左成日工，個膊頭冤冤痛。（妻望著衣櫃發呆，若有所思）喂，老婆！

妻：加陣係你工人呀？淨係識點人做呢樣做果樣，又叫人煮多 d 好野你食，有錢先得架！錢呢？

森：（低聲呢喃）個個女人都係咁，心情時好時壞既，都唔知佢地想點，老婆又係咁，Julia 又係咁……

妻：（愕然）你頭先講咩話？邊個係 Julia 呀！？

森：（心裡有鬼）吓，吓……無呀，咪我地屋企隻狗囉，你唔記得喇咩？

妻：（半信半疑）上次又話叫 Angela，今次又變 Julia，我地屋企幾時養多左隻狗呀？

森：（立即轉換話題）呀……今個月既家用呀，放左喺西裝禮度。

妻：（變得著躍，笑逐顏開）我知，我知丫，七千蚊丫嘛！

森：你又知？

妻：無呀……無咩呀！（結結巴巴）你個個月都係俾七千蚊架啦！（停頓片刻，又說）話時話丫，你都好似好耐無加過人工喇喎！

（森不作聲）

（妻靈機一觸）

妻：不過，我一早已經幫你諗好。你每個月俾七千我，仲有兩萬咁多淨，你不如買份人壽保險，對自己生活有保障 d 丫嘛！儲返三兩百萬，到時退休就唔洗休。

（森欲言，被妻截住）

我知，你想問受益人係邊個，梗係我啦！我係你老婆喎！一於咁話啦，一個月

都係俾多萬五蚊俾保險公司，你仲有五千洗下，啱啱好。

森：咁你姐係咒我死啫，咁快叫我買人壽保！

妻：唔係！梗係唔係啦！我講左係對我地大家都好嫁。噏，價錢果度，其實都仲有得傾架。

森：（細聲）好彩我有先見之明，一早叫老豆八折出糧，仲有兩成係手，唔係真係渣都無。

妻：諗成點？係咪好著數呢？

（森裝作睡著，還發出鼻寒聲）

妻：丫，你丫！……

（妻睡前打開櫃桶，把那摺千元大鈔點算一遍，放好，睡到床上，關燈）

（片刻，又開著檯燈，再數一遍，以手輕按在鈔票上，確定它們的存在後，又放好，方才安心睡去）

（燈滅）

#### 第四幕：公司

父：（內線電話）森，入一入黎我房。

森：咩事呀 daddy？

父：（嚴厲）daddy daddy，叫左你係公司要叫我吳經理丫嘛！

森：哦！係既，dad……吳副經理。

父：行埋黎，我有野同你講。

（森走向父的身旁）

琴晚我發現左我地個部門經理既大秘密。

森：係？係咩呀？

父：我琴晚漏低左份文件係 office，咪返黎攞囉，點知，我見到總經理佢係度鬼鬼祟祟，左望右望，好似驚死有人睇到佢咁，我咪呢埋睇下佢攞咩囉，我見到佢呀，係部電腦度唔知打左 d 乜，之後就帶埋隻磁碟走添呀，（肯定）繼我話入面一定大有文章！

森：咁又點呢？

父：噏，見係我地一世人，兩父子先益你咋！今次預埋你架喇！

森：（害怕）做咩先？做咩先？

父：（理所當然）我一早已經聯絡左周經理，上個禮拜先同佢食過飯，佢話會同我地裡應外合，我個計劃實掂！（改口風）我唔係有心裝佢，點都好啦，你只要幫我 hack 入佢部電腦度搵料，到時候佢俾人鋤到正啱，仲唔死出呢個門口！到時喇喎，我坐埋經理個位，你咪有得升囉！我知你想升好耐架喇！（肉緊）等左成十年，終於俾我等到今日喇！

森：談何容易呀！升我唔係唔想升，但話晒佢都咁老啦，都唔做得幾多年，計我話就最好唔好攞咁多野，佢今年都成六十勾啦，等得幾耐姐，攞咁多野，一陣……一陣衰左收埋大信封咪大獲！

父：仲等喎，喺度坐食山崩咩！噏，有錢疏通下就咩都易 d 啦！你話係咪！

（遂把五萬元的支票交到森的手中）

噏，話你知呀，呢 d 錢唔係我俾你嫁，之不過係隔黎 department 個呀頭一早已經好唔妥我地經理，所以想我地合作合作，幫佢除左粒眼中釘咋！咁大座靠山，個天都幫我，今次係個好機會黎架！實掂！

森：咁……

父：咁咩丫！？唔好諗咁多喇……

森：（插嘴）咁我第日既人工方面？

父：我識做，我識做架喇，不過呢 d 等事成先再講啦。

森：（想反悔）但係……但係都係好似都係唔係咁好既……

父：我知，我知你諗咩格，都係嫌太少著數姐。噏，我知你畀我個秘書格，Angela 丫嘛，佢又真係又後生又靚女既，最多咁，喺事成之後，Angela 跟你！

森：咁又唔同講法！（爽快答應，片刻，又問道）

咁 daddy 你付責做咩呀？

父：（理直氣壯）我？我係軍師黎加嘛，梗係我諗計，你做架啦！我走先喇，等你好消息。（急步離去）

（父出幕，森整晚在公司研究，終於 hack 進了主任的電腦）

森：（混亂）有無攞錯呀！得 d 助養兒童既收據咋喎。咁點算呀！

（翌日，父於公司會議室詔見森）

父：（十分著緊）點呀？查成點，有咩進展？

森：無料到喎，全部都係佢 d 助養兒童既收據咋喎！

父：無可能，無可能架！咩無呀！我睇得好清楚，係有架！一定有！

森：真係無喎，我睇得好清楚架，我連份野都 print 埋出黎添，你睇！

（把文件遞給父）

父：（不能接受現實，激動）佢有！我話佢有就一定有，就算無……無都要造到有！

森：吳……吳副經理，你既意思係……

父：佢公私不分，係公司做私人野，啫係假公濟私啦，佢助養兒童 d 野點會放係公司度丫！除非，除非佢窺空公款啦！

森：咁……咁我地下一步要點做呀？屈人啎……一陣無埋份工我地成家聽食渣米都得喇！

父：小小野就發晒茅咁，點做大事！你先喺佢個 financial report 做 d 手腳，到時再同隔離部門既主任裡應外合，今次佢實死硬喇！

總經理個位我已經十拿九穩，代代平安！

（從抽屜中取出紅酒和杯，遂坐上主席位上）

（大喊）I am the king of the world ！

（大笑不停）哈哈哈哈……

父：今日咁開心，黎，我地飲勝！

森：daddy，daddy！呢個位係集團主席坐架啎！人事部經理個位係果邊。（指向遙遠的座位處）仲有呀，你上年先中過風，唔飲得酒嫁！

父：（瘋狂）我坐到經理位，跟住就變埋總經理，之後做埋總經理、總管，集團副主席，集團主席！我會係人上人，我係最 top 最話得事果個！

（大笑不停）哈哈哈哈……

森，你會繼續幫我嫁可？森！森！

（森猶豫，不作聲）

父：（倒酒，遞一杯給森）飲！（只見他一杯又一杯的倒進口裡，突然，他全身不能動彈，僵著在椅上）

森：daddy！（拍著父的臉，沒在回應，只更用力，更激動的拍打）

森：（十分驚慌，走出會議室外）快 d 叫十字車！daddy 中風呀！

(燈滅)

第五幕：公司 (森的辦公室)

森：(內線電話) Angela，我琴日交帶你做份 report 做好未？

Angela：得架喇老細！我拎入你房。

(Angela 收線後，拿著文件進森的辦公室，A，B，C 三女在辦公室外議論紛紛)

女職員 A：哎呀！你地睇下，你地睇下丫！都話佢地有 d 野架啦！一叫佢入去姐，又照鏡又補妝，發晒姣咁，睇到都毛管洞呀！俾著我就唔洗咁做啦！我有邊樣比唔上個 Angela？(突然細聲) 揀佢呢個爛燈盞都唔揀我！

Angela：文件呀老細！（一把放在森的桌上，另一隻手被森捉住了）

森：(色心起) 得喇，呀，我仲有野同你傾，咪出去住。

女職員 B：係囉，真係唔抵得佢呀，打從吳副經理入左醫院，呀 Sam 做左副經理之後，佢就一日姣過一日，就今朝咋嘛，又見佢係度電呀 Sam 喇，計我話佢肯定係搏上位啦！不過果個呀 Sam 又真係唔係好掂嘞，雖然係副經理啫，又唔係靚仔，仲要係又有老婆丫，又咸咸濕濕咁……d 人真係為左升職，可以咁唔要面宗個頭埋去……我話佢十成十係想痴金糠啦！

Angela：(不知所措) 點呀？

森：我買左飛，今晚去睇戲，好無？

Angela：係邊度睇先？我驚……我驚撞到人呀，話晒你都係有老婆加嘛。

森：東涌，實唔會撞到人啦！

Angela：(猶豫了一會) 咁係嫁喇嘞！（轉頭欲走）

森：你咁急出去做咩啫，我地傾多陣先啦。

Angela：想出去做野囉！我驚你話我唔勤力，唔升我丫嘛，話時話丫，你幾時升我啫？你應承過我嫁……

森：拉埋個簾先講。

女職員 C：我地唔‘恨’得咁多架啦……

女職員 B：（打斷 C）嘩嘩嘩！你睇佢地傾咩傾到簾都落埋丫，日光日白攞埋 d 咁既野，哎，世風日下囉！

Angela：點啫？

森：（色迷迷的望著 Angela）你明格，你想做高級文員丫嘛！今晚睇完戲，宵夜直落。

Angela：（十分猶豫）咁……

森：黎唔黎你自己決定啦！我有 d 野做，你出返去先啦！

（森的電話響起）

妻：衰佬，今晚返唔返黎食飯呀？

Angela：咁我出返去先。

（Angela 推門而出）

妻：喂？老公？係咪聽緊嫁？

森：哦哦，唔返喇！我仲喺公司。

妻：真係喺公司？我頭先好似聽到 d 女人聲咁既？

森：無，我秘書咋嘛……

職員 C：佢出黎喇！殊！（A，B 收聲，一直注視著 Angela，Angela 本已低著頭，知道 A，B，C 三女正望著她，頭垂得更低，一臉尷尬，臉也紅了起來，急步走遠）

職員 B：真係唔要面呀！

職員 C：（忍不住笑）我係佢都覺得醜呀！

職員 A：咪係！哎呀！都唔記得講你地聽添，今朝我見到佢坐呀 Sam 車返黎，唔知琴晚係咪……

（燈滅）

#### 第六幕：Angela 的家

（Angela 坐在沙發上打電話）

Angela：喂？Joan，做緊咩呀？

Joan：無呀，睇緊電視咋嘛。

Angela：哦……其實我有野想問下你架……

Joan：哈哈，個女主角又會咁蠢既，明知個男人玩佢佢都同佢上房既！

Angela：係咩？乜我真係咁蠢咩？

Joan：你講咩呀？我講緊個電視咋喎。

Angela：哦，係咩……其實我……我之前咪同你講過我個計劃既？

Joan：你同你老細？

Angela：嗯……睇黎我今次真係玩大左，佢約我今晚去宵夜。



Joan：吓！你真係諗住去呀？唔好呀，睇你老細一副咸濕樣，你實無得淨嫁！

Angela：除左咁我又可以點？你估我真係貪佢有咩好呀？但佢可以幫我升職，可以幫我上位，我都知佢係個點既人啦，但唔係咁，我都諗唔到其他辦法。我話過唔可以衰俾我 ex 睇，佢不嫻都話我無學識，無前途，睇死我會做死一世文員仔嫁啦！邊個話我襯唔起佢！我話過嫁，我實會威俾佢地睇！……點知個傻佬真係以為我矜佢！

Joan：真係峰迴路轉，個男主角真係鐘意左個女主角！

Angela：就係咁先死，我唔知應該點做。

Joan：但係你真係一定要靠佢咩？不如花少少錢，拉攏下 d 大老細仲好。

Angela：我？我憑咩呀？d 大老細都唔會蘇我啦，佢地大把錢去沖涼泵骨，我唯有靠個經理仔上左位先，佢地先會留意下我。

Joan：(怪叫) 哎呀！個女主角真係傻左咩！俾男人呃過姐，諗住玩返 d 男人，呃返佢地 d 權力黎報復，何必呢！因住俾人玩返轉頭呀！

Angela：(憤怒) 你好喇喎！你講咩呀！係呀！我係俾男人呃過呀！我係諗住利用佢上位呀！咁又點呀！我唔信男人做到既野女人做唔到！我唔信女人就唔可以獨攬大權！今晚我去梗嫁喇！（發火，收線）

Joan：喂喂？…(嘟嘟嘟嘟) 都唔知做乜鬼……

(Angela 致電給森)

Angela：Sam？Angela 呀！你今晚七點過黎接我啦！我著左你上次送俾我條裙，我要你第一個睇到嫁！

妻：(疑惑非常) 你係邊個呀？吓？我老公沖緊涼！（深思片刻，憶起 Angela 的聲音，好像在哪兒聽過似的）咪住，你頭先話你係邊個話！？

Angela：(慌忙) 吓……我係……(Angela 十分驚慌，呆坐沙發上，沒有收線)

（電話另一邊傳來森的聲音）

森：沖完涼爽晒！係呢，我頭先好似聽到電話響喎，邊個搵我？

妻：（怒火沖天，把電話擲向森）你自己問佢啦……

（燈滅）

第七幕：公司

（森收到內幕消息，心知不妙，回到公司辦公室收拾）

森：Angela，我收到風 ICAC 查緊我，我諗我都係返大陸避下先。你要等我呀，我返黎實搵你架。

（妻入幕，走進公司，在森辦公室門外徘徊）

妻：（自問自答）個衰佬到底攞乜鬼，唔通真係有左第二個？

Angela：（態度完全轉變）咩事呀？我同你無啦無”能”架，唔好扯埋我落水。

森：（捉住 Angela 的手）點解到左呢個時候，你要講埋晒 d 咁既野？

（妻從玻璃門中，看見森與 Angela 糾纏著，推門查看）

Angela：好丫！你唔明我就講明 d，我利用你咋！傻佬！你以為我真係會鐘意你呀？唔好咁天真啦！你而加權又無錢又無我跟你做咩呀？

森：（只顧擁住 Angela，沒留意妻子已進房）我知你係鐘意我既，係咪？點解要咁講？

Angela：（掙扎）痴線！（Angela 拿起桌上的一杯水，撥向森，遂出幕，森一把把桌上的東西掃到地上）

妻：老公！你！

森：老婆，你聽我解釋……

（Julia 推門而進，旁若無人）

Julia：Sam？今日咁早返公司？

（森望著 Julia，一臉愕然）

係出面個接待員叫我入黎既，琴晚又話係我度過夜，又掛住走返公司？（停頓片刻，又問）係呢，呢位係？（望著妻）

妻：我係佢老婆，不過由呢一刻開始，已經唔再係喇！（給佢一個耳光）衰佬！你到底仲有幾多野我唔知架！我……我要同你離婚！（氣憤，衝了出門，森欲追，遭 Julia 阻止）

Julia：又話想離婚同我一齊？而加等到啦……

（大批 ICAC 人員走進公司，女職員 A，B 細聲談論著）

女職員 A：唔知咩事呢！？

女職員 B：話知佢有咩事丫，總之有戲睇頂啦！

I：唔該，你地呢度邊個係吳紹森先生？

女職員 B：（指著森的辦公室）係入面呀，係入面呀！

I：吳紹森先生，我地係 ICAC，而加懷疑你偽造公司賬簿，請你跟我地返去協助調查！

森：痴線，你咪亂講！

I：吳生，請你同我地合作！

Julia：嘩！乜咁攪法呀，我都係走先！（急步走去）

森：Julia！

(遂森與 ICAC 出幕)

女職員 A：(對著 Angela 說) 嘩，估唔到佢咁狼死！公司錢都呢！你呀，真係睇錯人呀你！蔭公！

(Angela 滿不是味兒)

(同事們在公司進餐，正在看午間新聞)

歡迎收睇 5 月 19 日既午間新聞，上市公司主任吳紹森因偽造公司賬簿被捕，目前獲准以五萬元保釋外出……

女職員 B：天收佢囉！咁衰格用公司錢！（眾人附和）

(燈滅)

(轉為街景，街上滿是聖誕裝飾，其中一個寫著 Merry X' mas 2010)

(瘋子突然走出幕外，燈亮，照著他)

瘋：(一邊拿著三隻鵝脾，一邊唱歌) 邊個話我傻傻傻，我請佢食燒鵝！

(一名途人撞倒瘋子，鵝脾全部掉在地上)

無左囉！鵝脾無晒囉，乜野都無晒！好野！（拍手，出幕）

女職員 B：嘩！嚇死我喇，頭先見到個傻佬呀！

女職員 A：係咩！好少事姐！去飲酒囉！

女職員 B：咦？係啲，話時話丫，知唔知果個吳紹森最後點呀？

女職員 A：點知啫！聽講好似話放返出黎之後就破左產嗰！又聽講話有人見過佢去左做地盤佬。唉，唔好理喇，諗下我地去邊度食飯仲好啦！（二人走著）

(二人在街上碰見森，驚訝)

職員 A：喂！你睇下果個係咪吳紹森？著白衫牛仔褲，成個地盤佬咁既樣果個呀！

職員 B：係喎！真係佢喎！唉！好好地一個經理，淪落到要做地盤佬喎，真係折墮囉！

（遠處，森的电话響起）

森：（粗獷）喂？老黃？

老：點呀！呢期有咩好路數？

森：咪又係係地盤打下散工，邊有野撈丫！唉！早之當年唔好搞咁多野，就唔洗攞到人又老，錢又無啦！煮飯婆都無個！諗返起都覺得好慚愧，好對老婆唔住。咁多年黎都係佢撐住頭家，我都無關心過佢，反而出去攞三攞四。

最衰佢改左電話，仲搬埋，如果唔係我實會返去同佢道歉。唉……雖然

已經無咁既機會，（充滿信心）但係為左老婆，我決定要洗心革面，重新做人。我相信我既真誠終有日可以打動到佢，返返黎我身邊！

（森正走進餅店買麵包當晚餐）喂！有線入，唔講住！

森：你係邊位呀？

一：恭喜你呀吳生，我係一丁麵公司既職員，你喺 05 年參加過我地既世紀大抽獎，中左隻一卡鑽石介子架！不過因為我地當年聯絡錯左另一位吳先生，所以份獎品到到今時今日仍未順利送出。對於本公司既錯誤，我僅在此向吳先生你致歉。

森：（欣喜）唔好講咁多，幾時有得拎先？

一：我地歡迎吳先生你隨時親臨九龍華源里二百一十號，一丁麵既總行領取獎

品……

（森見餅店女職員，又起色心）

餅：先生！多謝你十蚊丫！

森：十蚊俾你電話我得唔得姐？靚女，我啱啱中左隻鑽石介子……

（燈滅）

~全劇完~